

除夕有关诗句

1.
病眼少眠非守岁，老心多感又临春。火销灯尽天明后，便是平头六十人。
。——白居易《除夜》
2.
青春无复驻年华，几度江梅暗忆家。惆怅新愁添白发，鬓边如雪映寒花。
。——柴望《除夕对梅》
3.
除夕如寒食，人烟禁不炊。袁安谁问死，方朔自啼饥。野火焦良玉，寒机弃乱丝。白头将暗眼，更望太平时。——蓝仁《石村除夕》
4.
造物无言却有情，每于寒尽觉春生。千红万紫安排著，只待新雷第一声。
。——张维屏《新雷》
5.
薄晚支颐坐，中宵枕臂眠。一从身去国，再见日周天。老度江南岁，春抛渭北田。浔阳来早晚，明日是三年。——白居易《除夜》
6.
岁暮纷多思，天涯渺未归。老添新甲子，病减旧容辉。乡国仍留念，功名已息机。明朝四十九，应转悟前非。——白居易《除夜》
7.
一樽岁酒拜庭除，稚子牵衣慰屏居。奉母犹欣餐有肉，占年更喜梦维鱼。
。钩帘欲连新巢燕，涤砚还疏旧着书。旋了比邻鸡黍局，并无尘事到吾庐。
。——钱谦益《丁卯元旦》

8.
律转鸿钧佳气同，肩摩毂击乐融融。不须迎向东郊去，春在千门万户中。
。——叶燮《迎春》

9.
天上风云庆会时，庙谟争遗草茅知。邻墙旋打娱宾酒，稚子齐歌乐岁诗。
。老去又逢新岁月，春来更有好花枝。晚风何处江楼笛，吹到东溟月上时。
。——陈献章《元旦试笔》

10.
官历行将尽，村醪强自倾。厌寒思暖律，畏老惜残更。岁月已如此，寇
戎犹未平。儿童不谙事，歌吹待天明。——罗隐《岁除夜》

11.
断送古今惟岁月，昏昏腊酒又迎年。谁知羲仲寅宾日，已是共工缺陷天。
。桐待凤鸣心不死，泽因龙起腹难坚。寒灰自分终消歇，赖有诗兵斗火田。
。——谭嗣同《除夕感怀》

12.
不求见面惟通谒，名纸朝来满敝庐。我亦随人投数纸，世情嫌简不嫌虚。
。——文征明《拜年》

13.
莫道新年贺客迟，晴天暖日却相期。春风只被多情苦，红嫩青新总要诗。
。——谢枋得《元旦阻雨迟》

14.
巧裁幡胜试新罗，画彩描金作闹蛾，从此剪刀闲一月，闺中针线岁前多。
。——黄景仁《凤城新年词》

15.
新年试笔欲题诗，老去才衰得句迟。春事未容桃李觉，梅花开到北边枝。
。——戴复古《新岁》

16.

拂旦梅花发一枝，融融春气到茅茨。有花有酒有吟咏，便是书生富贵时。
——祝允明《新春日》

17.

器乏雕梁器，材非构厦材。但将千岁叶，常奉万年杯。——赵彦昭《奉和元旦赐群臣柏叶应制》

18.

春已归来，看美人头上，袅袅春幡。无端风雨，未肯收尽余寒。年时燕子，料今宵梦到西园。浑未辨，黄柑荐酒，更传青韭堆盘？却笑东风，从此便薰梅染柳，更没些闲。闲时又来镜里，转变朱颜。清愁不断，问何人会解连环？生怕见花开花落，朝来塞雁先还。——辛弃疾《汉宫春·立春日》

19.

岁晚身何托，灯前客未落空。半生忧患里，一梦有无中。发短愁催生，颜衰酒借红。我歌君起舞，潦倒略相同。——陈师道《除夜对酒增少章》

20.

莺啼燕语报新年，马邑龙堆路几千。家住层城临汉苑，心随明月到胡天。机中锦字论长恨，楼上花枝笑独眠。为问元戎窦车骑，何时返旆勒燕然。——皇甫冉《春思》

21.

患难思年改，龙钟惜岁徂。关河先坂远，天地小臣孤。吾道凭温酒，时情付拥炉。南荒足妖怪，此日谩桃符。——苏辙《除夕》

22.

守岁尊无酒，思乡泪满巾。始知为客苦，不及在家贫。畏老偏惊节，防愁预恶春。故园今夜里，应念未归人。——白居易《客中守岁》

23.

元旦年年见，天涯意故长。诗篇示宗武，春色酌瞿唐。白发又新岁，黄柑非故乡。弟兄互拜处，归去顾成行。——王十朋《元日》

24.

儿童强不睡，相守夜欢哗。晨鸡且勿鸣，更鼓畏添挝。坐久灯烬落，起看北斗斜。明年岂无事，心事恐蹉跎！努力尽今夕，少年犹可夸。——苏轼《守岁》

25.

云海泛瓯闽，风潮泊岛滨。何知岁除夜，得见故乡亲。余是乘槎客，君为失路人。平生复能几，一别十馀春。——孟浩然《除夜乐城逢张少府》

26.

十上书仍寝，如流岁又迁。望家思献寿，算甲恨长年。虚牖传寒柝，孤灯照绝编。谁应问穷辙，泣尽更潸然。——欧阳詹《除夜长安客舍》

27.

一腊天频雪，千山梅未花。终年不为客，除夕恰辞家。雨又垂垂落，风仍故故斜。难开愁里眼，只益鬓边华。——杨万里《除夕宿临战平》

28.

天地风霜尽，乾坤气象和。历添新岁月，春满旧山河。梅柳芳容徧，松篁老态多。屠苏成醉饮，欢笑白云窝。——叶颙《己酉新正》

29.

烛影摇红焰尚明，寒深知己积琼英。老夫冒冷披衣起，要听雄鸡第一声。——赵翼《除夕》

30.

金钗影摇春燕斜，木杪生春叶。水塘春始波，火候春初热，土牛儿载将春到也。——贯云石《双调·清江引·立春》

31.

莺啼燕语报新年，马邑龙堆路几千。家住层城邻汉苑，心随明月到胡天。
机中锦字论长恨，楼上花枝笑独眠。为问元戎窦车骑，何时返旆勒燕然。
——皇甫冉《春思》

32.

万古如昨日，一年加一晨。暗生无限事，潜老几多人。归路旧侣尽，故乡回雁新。
那堪独惆怅，犹是白衣身。——顾非熊《会中赋得新年》

本文链接：<https://duanjuziku.com/duanjuzi/sd8pha9p37.html>